

CARLOS JAVIER FERNÁNDEZ FERNÁNDEZ, SECRETARIO DO CONSELLO MUNICIPAL DE DEPORTES DE OURENSE

CERTIFICO

Que o Consello Reitor do Consello Municipal de Deportes de Ourense na sesión ordinaria que tivo lugar o 21.11.2019 adoptou o acordo que de seguido se transcribe na súa literalidade, a reserva do que resulte da aprobación da acta correspondente:

9.- Aprobación, se procede, das bases e convocatoria de bolsas a deportistas individuais 2019 (exp. 367/2019)

O Consello Reitor, de conformidade coa proposta que forma parte do expediente, por UNANIMIDADE dos seus membros (9 votos), ACORDA:

1. Aprobar as bases reguladoras da convocatoria pública para a concesión de bolsas a deportistas individuais, que se recollen no documento electrónico que forma parte do expediente 367/2019.
2. Ordenar a publicación das bases no Boletín Oficial da Provincia para o seu xeral coñecemento e efectos, así como na páxina web www.deporteourense.com.
3. Aprobar a convocatoria pública de bolsas a deportistas individuais para o ano 2019 do Consello Municipal de Deportes.
4. Aprobar o gasto por importe de 20.000 euros con cargo á aplicación 3410-48000 do orzamento do Consello Municipal de Deportes vixente.
5. Remitirle á Base de Datos Nacional de Subvencións (BDNS) un extracto da convocatoria para a súa publicación no BOP de Ourense, co seguinte contido:

Extracto do acordo da convocatoria pública de bolsas a deportistas individuais do Consello Municipal de Deportes de Ourense para o ano 2019 (Exp. 367/2019)

De conformidade co previsto nos artigos 17.3.b e 20.8.a da Lei 38/2003, do 17 de novembro, xeral de subvencións, publícase o extracto da convocatoria cuxo texto completo pode consultarse na Base de Datos Nacional de Subvencións (<http://www.pap.minhap.gob.es/bdnstrans/es/index>)

Primeiro. Beneficiarios

Consello Municipal de Deportes de Ourense

Avenida Pardo de Cela nº2, Ourense. 32003 (Ourense). Tfno. 988388163. Fax:





Poderán beneficiarse das bolsas previstas nestas bases reguladoras os deportistas que reúnan os seguintes requisitos na data de publicación do extracto de convocatoria no BOP:

1. Estar inscrito no padrón municipal de habitantes do Concello de Ourense.
2. Dispoñer de licenza en vigor por algunha Federación Deportiva Galega. No caso de modalidades deportivas non integradas en federacións deportivas galegas, será considerada a licenza estatal.
3. Non estar cumprindo sanción firme por infracción disciplinaria ou administrativa en materia deportiva, cualificada como grave ou moi grave.
4. Non estar incurso en causa de exclusión ou prohibición das contempladas no artigo 13.2 e 3 da Lei 38/2003, de 17 de novembro, xeral de subvencións e 10.2 e 3 da Lei 9/2007, do 13 de xuño, de subvencións de Galicia.
5. Manter os anteriores requirimentos canto menos ata a data da xustificación da bolsa.
6. Certificado do mellor resultado emitido pola secretaría xeral da Federación en cuestión, xunto coa Acta da competición obxecto de valoración, segundo os criterios de valoración reflexados no Anexo I das bases.

Segundo. Obxecto

A concesión de bolsas para a mellora e perfeccionamento de deportistas que destaquen na súa participación en competicións oficiais de carácter individual nas distintas modalidades deportivas recoñecidas, durante a anualidade anterior, e cumpran os requisitos e obrigas establecidos nas bases reguladoras.

Terceiro. Bases reguladoras

As bases reguladoras serán publicadas no Boletín Oficial da Provincia de Ourense e estarán á disposición dos interesados na páxina web do Consello Municipal de Deportes de Ourense – www.deportesourense.com – e na Base de Datos Nacional de Subvencións.

Cuarto. Contía

A concesión das subvencións obxecto desta convocatoria será atendida con cargo á aplicación orzamentaria 3410.48000 do orzamento do CMD para o exercicio económico 2019 polo importe máximo de 20.000 €.

Este importe poderá ser ampliado no caso de existencia de crédito na aplicación orzamentaria no momento da resolución, sen que esta circunstancia dea lugar á apertura dun novo prazo de presentación de solicitudes.

No caso de que o importe total das solicitudes a conceder supere o crédito dispoñible e/ou o crédito non poida ser ampliado, procederase a un axuste prorrateado dos importes a conceder ata axustarse ó crédito asignado na convocatoria.

Quinto. Prazo de presentación de solicitudes

Consello Municipal de Deportes de Ourense

Avenida Pardo de Cela nº2, Ourense. 32003 (Ourense). Tfno. 988388163. Fax:



Cod. Validación: 7ENNC3N4AQ2ESYGM56RRH3SM1 | Corrección: <http://deportesourense.sedelectronica.gal/>
Documento asinado electronicamente desde a plataforma xestiona esPublico | Páxina 2 a 3



As solicitudes presentaranse, no prazo de **1 mes** a contar desde o día seguinte ao da publicación do extracto da convocatoria no Boletín Oficial da Provincia, no Rexistro do Consello Municipal de Deportes, Avda. Pardo de Cela núm. 2, en impreso normalizado que se facilitará nas dependencias administrativas do CMD. Tamén se poderá presentar de forma telemática a través da sede electrónica do CMD <https://deportesourense.sedelectronica.gal> .

6.- Contra este acordo, que pon fin á vía administrativa, poderase interpoñer alternativamente recurso de reposición potestativo ante o mesmo órgano que ditou o acto, no prazo dun mes a contar desde o día seguinte ao da recepción da notificación, de conformidade cos artigos 123 e 124 da Lei 39/2015, de 1 de outubro, do procedemento administrativo común das Administracións Públicas; ou ben interpoñer directamente recurso contencioso-administrativo, ante o Xulgado do Contencioso-Administrativo de Ourense, no prazo de dous meses, a contar desde o día seguinte ao da recepción da notificación, de conformidade co artigo 46 da Lei 29/1998, de 13 de xullo, da Xurisdición Contencioso-Administrativa. Se optase por interpor o recurso de reposición potestativo non poderá interpor recurso contencioso-administrativo ata que aquel sexa resolto expresamente ou se produza a súa desestimación por silencio. Todo iso sen prexuízo de que se poida interpoñer calquera outro recurso ou acción que se estime procedente.

E para que así conste e produza os efectos oportunos, expido a presente certificación por orde e co visto e prace do Sr. Presidente do Consello Municipal de Deportes en Ourense na data de sinatura electrónica.

O secretario

Visto e prace
O presidente

José Mario Guede Fernández

Documento asinado electronicamente

